



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvngensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

X. De Sacramento Baptismi.

urn:nbn:de:hbz:466:1-14298

substantialem formæ mutationem facillime transeat.

Quæ omnia & singula ut tutiori & securiori via perficiantur, volumus invigilare Parochos, ut, intra mensis spatium, in sua Ecclesia habeant, & utantur Rituali sive Cæremoniali Romano, aut alio Nostra autoritate approbato. Hortamur autem eos, ut sint fideles dispensatores mysteriorum Dei, & ne ullum, nisi suffragante capaci doctrina & probitate, tanquam dignum, admittant.

Probent etiam se ipsos, & non nisi prævia Sacramenti confessione vel contritione, si se gravatos in conscientia sentiant, ad Sacramentorum administrationem accedant, ac, si necessitate urgente id facere debuerint, quamprimum confiteantur.

Ante omnia autem curiosâ sollicitudine colaborent, ne vita & moribus damnatis fidelem populum ab usu Sacramentorum retardent; memores ultricis Dei iustitiæ in filios Heli, qui populum suis facinoribus à sacrificiis revocabant, & iusto Dei iudicio absumpti sunt.

Nam, etsi quidem divina mysteria, non merito consecrantis, sed verbo perficiantur Creatoris & virtute Spiritus sancti, multi sæcularium tamen hominum, cum plus Sacerdotum vitam quam suam discutiunt, in magnum contemptum divinatorum Sacramentorum crimen incurrunt, judicantes hæc minus sanctificata, si illorum fiant officio, quorum vita, eorum oculis, videtur ignobilis.

In Sacramentorum administratione, ne vel irreverentiam, vel avaritiæ & Simoniacæ notam incurrant, de mandato Nostro non nisi superpelliceo & stola ut minimum amicti, ad ministerium accedant; ac, eo peracto, præter id quod sponte offertur, aut alias secundum laudabilem consuetudinem debetur, non accipient.

Id etiam, quod, ex Decreto sacri Concilii, Pastorum curæ demandatum est, videlicet ut de Sacramentorum natura, usu, & salutari effectu, fidelem populum docilem faciant, vehementer cupimus; ac, ut in eo publice ac privatim, ac quoties necessarium & opportunum videbitur, diligenter collaborent, præcipiendo mandamus.

DECRETVM X.

De Sacramento Baptismi.

Verbum caro factum, IESUS CHRISTUS, nostræ reparationis causa primaria, Sacramentum fidei, nempe Baptismum, in nomine Patris, & Filii, & Spiritus sancti, in aqua naturali conferendum, nostræ iustitiæ januam instituit. Quæ aqua naturalis, ex Ecclesiæ traditione, Oleo & Chrismate consecranda, ac diligenti curâ clausâ custodienda est, nec ulli, quam Pastori, vel à se demanda-

to, custodiæ ejus committenda, vel accessus concedendus.

Ad baptizandum infantem Parochus, vel Sacerdos, nullo alio Chrismate, quam eo anno consecrato, utatur. quo deficiente, si tempus non patitur ut aliunde haberi possit, cautione canonica præscripta oleum non consecratum, in minori quantitate guttatim superinfusum consecrato & mixtum, adhibendum erit.

In executione autem vel administratione ministerii, attentâ diligentia, Parochi Sacerdotesve curam habeant, ne leviuscule solum, maxime adultum, aspergant aqua, crines capitis tantum & non cutem tangendo; quia illa, pars corporis humani nequaquam, sed excrementa dumtaxat sunt. Et quia, in regeneratione novæ creaturæ, lege Evangelica cautum, non nisi ex aqua & Spiritu sancto renatum intrare posse in regnum caelorum, ne parvuli, quorum incerta & tenera valetudo est, de salute periclitentur, summa adhibenda erit discretio & cautela, ne ultra dies octo, extra necessitatis casum, sacri fluminis unda differatur; idque sub gravi Nostra arbitraria pena.

Cujus quidem Sacramenti administratio in necessitatis casu, etsi personarum privilegio restricta non sit, nisi in concurrentia sexus aut status; tamen extra mortis articulum omnibus omnino est interdicta, & non nisi per Parochum, aut Sacerdotem qui loco Parochi est, & in Ecclesia debitis cæremoniis cum aqua naturali adhibitis, sub forma quæ est, *Ego te baptizo, in nomine Patris, & Filii, & Spiritus sancti*, est exercenda.

Vtque obstetrices, ipso necessitatis casu urgente baptizantes, errorem nullatenus admittant, diligenter admonemus Vicarium, quatenus ipse in urbe, Pastores vero ruri, in obstetricibus designandis diligentem adhibeant curam, neque ullo modo assumant inhonestas, ac immaturas, aut de ullo crimine, veneficio maxime, diffamatas; quas etiam obstetrices omnes & singulas in his scriptis reddimus inhabiles ad officium suum, nisi mense elapso per Nos Nostrumque Vicarium ad hoc specialiter fuerint approbatae & privilegiatae.

Cujus feminae, cum approbata ac privilegiata fuerit, curam esse volumus, ac de eo eandem in approbatione certiore reddi, ut, quoad fieri potest, Sacramentum, non nisi duabus mulieribus testibus, cumque matre baptizati presentibus, formam & materiam debitam adhiberi videntibus & intelligentibus, administret.

In baptismo autem Compater non fit, qui sacro Chrismate necdum confirmatus, vel quatuordecim annis ætate minor sit. qua de re ut Parochi studiose inquirent, monemus. de Commatibus par sit cautio. Vtrumque autem sexum per Parochos ex suggestu, & alias, si usu venerit, diligenter admoneri volumus, ut non solum instruant Compates Commatresve,

Ioan. 3.
v. 5.

1 Reg.
2. v. 27.
Ez. 9.

Matt. 28.
v. 19.

trève, quàm simplici amictu infans ad Baptifinum deferendus fit, fed etiam, quàm religiofa in Deum pietate, quàm humili fpiritu, & quanta veftitus moderatione, adelfe debeant, operibus Satanæ renunciaturi.

Iudæus, baptizatus, non nifi quadraginta dierum abftinentia peracta, ex decreto Canonis, admittatur; nifi Noftro remiffione, moderatione aut commutatione prævia.

Qui etiam, fi, baptizatus, rurfum blafphemando Chriftum, ac Iudaifmum redierit, ut ad fidem Chriftianam, fufceptam femel, de novo revertatur, Noftri Vicarii eum cogat fervera animadverfio.

Rebaptizationes etiam anathematizamus, ac, damnabili fpe lucri factas, vehementer & fervera animadverfione puniendas decernimus.

In concurrentia maris & fœminæ ad baptifinum, hunc ordinem obfervari volumus, ut, neceffitate ceffante, mari primò, dein fœminæ, miniftretur. Cujus rei par efto iudicium, fi plures, partim mares, partim fœminæ, offerantur.

Infantes autem expofitos, & de quorum baptifino dubium, monemus & volumus baptizari fub hac conditione, & verborum forma: *Si tu es baptizatus, ego te iterum non baptizo; & fi nov es baptizatus, ego te baptizo, in nomine Patris, & Filii, & Spiritus fancti.*

Ea etiam, quæ in Concilio Tridentino de Patrino uno, vel una, vel ad fummum uno & una, falubriter pro bono publico conftituta funt, ftrictè obfervari volumus; ficut & illud, ut Patrinorum nomine in libro, ad hoc fpecialiter deputato, & baptizantis; fi forte ante, periculi caufa, à Laico baptizatus fuerit, à Parochis defcribantur & annotentur; ne, fi quæftio ftatus, aut impedimenti, aliquando incidat, probatio aut cognitio reddatur difficilis.

Ne, fine licentia proprii Paftoris, proles extra Parochiam baptizetur, ficut nec facile eandem licentiam decernat, ftrictè inhibemus & monemus, ac, fi de licentia hoc nonnunquam factum, de collato baptifmo, fcripto testimonio Paftoris, fides doceatur annotatione in Paftoralem librum relata.

Monachi, & regulares perfonæ quæcunque utriusque fexus, de baptifmo aliquem fufcipere; aut pro aliis fpondere, prohibentur.

Similiter hæretici excommunicati, & qui, iufto impedimento ceffante, eo anno peccata fua confefsi non funt; fiquidem inconveniens eft, tanquam comminiftros & testes illos affiftere Sacramentis, qui vel de illis male fentiunt, vel quos Ecclefia à divinis arceat, vel qui feipfos à comunione & unitate Catholica fegregarunt.

Puerperas, fecundum antiquam & religiofam confuetudinem, puerperii & purgationis tempore completo, ad Ecclefiam, in primo

egreffu, pro benedictione Sacerdotali, & gratiarum actione Deo habenda, comparere volumus.

DECRETVM XI.

De Sacramento Confirmationis.

ADverfus mundi & tenebrarum infidias, Confirmationis Sacramentum tutiffimum creditur munimentum; quod, per impositionem manus Epifcoporum, ab omnibus fidelibus recipiendum eft, ut pleni Chriftiani inveniantur.

Cùm hoc Sacramentum adminiftrandum erit, præcedat Paftorum denunciatio, ut fideles, ad gratiam Spiritus fancti recipiendam, digne fe præparare & comparere poffint. Cui miniftretur, feptennio minor ille non fit; nifi Epifcopo, ex probabili-cauta, aliquando aliter vifum fuerit; ac tunc per parentes aut in quorum potestate funt Confirmati, fuo tempore de recepto & non iterando Sacramento certioventur.

Adulti, prævia confessione, jejuni ad recipiendum Sacramentum hoc accedant, maxime cum mane miniftretur. mares in Ecclefia à parte una, fœminæ ab altera fint; & manibus ante pectus junctis, fuo quisque ordine veniant, mares primo, deinde fœminæ.

Ne fœminis mares, nec maribus fœminæ, nec fœnioribus adolefcentes (cum minime hoc per ætatem conveniat,) Compates in Sacramento Confirmationis adhibeantur, nifi neceffitate id aliter poftulante.

Pari ratione, neceffitate ceffante, fecundum Canonum præfcriptam formam, fit etiam alius vel alia ab illo vel illa, qui vel quæ in baptifmo confirmandum fufcepit.

Ac ipfe Epifcopus, fi, confirmandum invenerit baptizatum Chriftiano homini parum conveniente nomine, ut illud mutet, Sancti alicujus nomine commutato, volumus. Cui etiam cætera, quæ ad dignitatem & executionem hujus Sacramenti fpectant, unice commendamus.

DECRETVM XII.

De Sanctiffimo Euchariſtiæ Sacramento.

LEgillator nofter Iefus Chriftus, volens fegregare ac præparare plebem æterno Patri perfectam, regale Sacerdotium inftituit. Iefus enim affiftens Pontifex futurorum bonorum per amplius & perfectius tabernaculum, non manu factum, neque in fanguine taurorum & vitulorum, fed proprio fanguine, introivit femel in fancta, æterna redemptione inventa; utque perennis victima illa viveret in memoria, & femper præfens efferet in gratia

Seff. 24.
cap. 2.

Hebr. 9.
v. 11.